

A folga de Paradores foi secundada polo 75% do cadro de Baiona e o 70% en toda España.

Escrito por Redaccion @valminorinfo
Luns, 15 Outubro 2012 09:36



-A xornada de folga dos días 12 e 13 de outubro no Parador de Turismo de Baiona foi secundada por o 75% do cadro de persoal, segundo fontes sindicais.

-O Comité de Empresa do Parador de Baiona denunciará ante a Garda Civil e o Ministerio de Traballo á dirección da empresa pola contratación de persoal externo e outras acción que os traballadores entenden atentaron contra o dereito de folga.

Logo das 48 horas de folga sostidas polos traballadores do Parador de Turismo de Baiona, a mesa local cualificou positivamente as xornadas de mobilizacións as que transcorreron sen incidentes e coa participación do 75% do cadro de persoal. Nembargante, os sindicalistas denuncian a contratación de 11 persoas de ETT e outra serie de irregularidades como a modificación de horarios e a realización de horas extras por parte de algúns traballadores que, dende o seu punto de vista, atentan contra o dereito de folga. O comité de empresa anunciou nesta xornada que porá unha denuncia ante a Garda Civil e a Inspección de Traballo para que "comprobe os feitos e tome as medidas oportunas".

A folga foi convocada [logo que a dirección de empresa de Paradores de Turismo decidira suspender a paga extra](#) de Nadal aos empregados. A medida supón un desconto nas nóminas de entre 240 e 340 € mensuais dende setembro hasta decembro o agravou o conflito preexistente na empresa pola demora de máis de tres anos na sinatura do convenio salarial do sector. A detención de actividades de Paradores Nacionais de Turismo tivo en toda España un seguimento estimado nun 70%, segundo o Comité Intercentros, que agrupa tódolas mesas locais de Paradores.

A folga de Paradores foi secundada polo 75% do cadro de Baiona e o 70% en toda España.

Escrito por Redaccion @valminorinfo
Luns, 15 Outubro 2012 09:36

"A participación nesta folga tiña unha dificultade engadida", sinalou Jorge Carneiro, secretario da mesa de Baiona. Ademais do desconto da paga extra de Nadal, os traballadores que secundaron a folga deberán asumir o desconto dos 2 días de folga (unha media de 160 € por os dous días), engadiu. O representante sindical salientou a valentía dos traballadores de secundar a folga neste contexto " para economía familiar de uns traballadores e traballadoras con salarios que roldan os 1000 € líquidos".

"Por todas estas circunstancias o Comité de Empresa do Parador de Baiona e o Comité Intercentros valoramos esta participación como moi positiva e esperamos que a dirección da empresa tome nota do descontento de unha gran maioría dos traballadores e traballadoras de esta empresa pública", afirmou Carneiro.

O sindicato tamén informou que dos 21 traballadores e traballadoras que decidiron non secundar a folga en Baiona, 8 teñen contrato temporal e a un non se lle aplica o Convenio. No que se refire o resto de Paradores do Estado, a participación "foi moi parecida" –sinala Carneiro- , "con centros de traballo nos que ninguén secundou a folga e outros co 100% e unha participación media do 70%. "

O mesmo tempo durante os dous días e o longo de todo o día concentráronse na portería do Parador nunhas xornadas nas que non se produciu ningún tipo de incidente e repartíronse unha folla informativa aos clientes que accedían o Parador e na que se pedías desculpas "polas molestias que lle ocasionamos con esta convocatoria de folga, pedindo o mesmo tempo a súa comprensión".

O Comité de empresa do Parador de Baiona que está constituído por representantes de CCOO, UGT e CIG, informou que de non existir unha rectificación por parte da Dirección de Paradores, veranse na obriga de facer efectivas as próximas xornadas de folga, previstas para os días 2 e 3 de novembro, 7 e 8 de decembro e 31 de decembro e 1 de xaneiro.